



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

19. Dies Martii. Brevis vita estm & laudantis, & ejus qui laudatur.

urn:nbn:de:hbz:466:1-45477

19. DIES MARTII.

Brevis vita est, & laudantis, & ejus qui laudatur. *Antonius serm. 7. n. 5.*

Nec
laus.

I. **S**ufficit ut vili pendatur laus, sola ejus brevitatem, quid si accedat ejusdem vilitas? patebit ejus vilitas, si qui sint viles illi, à quibus laudari cupimus, expendimus. Quàm est contemptibile theatrum! vulgus quod ex turibus, latronibus, prædonibus, scortatoribus, adulteris, & hujusmodi fœcibus conflatur. Tales enim sunt ut plurimum qui turbam faciunt. Itaque quos seorsim jure despiceres, & indignos judicare quorum judiciis te, & tua committeres, & sententiis submitteres, eos adunatos tantum facis, ut tuæ etiam salutis anteponas, quasi tibi ipsi non sufficeres. Quod si ad aliud quod super te imminet Cœlitium, & Angelorum theatrum oculos convertas, despicias humanas laudes non minus quàm graculorum voces, quàm culicum stridores, quàm ranarum coaxationes, quàm apium bombas, quàm porcorum grunntus. Et quid tandem populus à quo laudari expetis? Suffragio S. Chrysost. (a) *est quidam tumultus perturbationisque plenum ex stultitia majori ex parte constans: calculo Dionis: et tanquam finis profundus, ex variis sordibus in unum coacervatus.* Quid igitur ac hujusmodi iudicibus pendere, & plausum eorum approbationemque operum suorum velit captare, nonnè mente captus, ipsum

(a) *Hom. 28. in Joan. Orat. 66.*

ipsum fatuitatis verticem occupasse videri poterit ?

II. Ulterius progredere, si amas laudari, vis aliquid quod non potest fieri. Quid ita? quia laus hominem bonum esse asseverat, sed hoc ipso quod laudari ambias, non modo vacuus es omni bono, sed plenus maximo malo, nempe Dæmoni proprio, superbia, & ambitione, Laus est hominis boni: sed si laudis es cupidus, jam desinis esse bonus, & incipis esse malus; quia velle laudari est malum. Quapropter desinit esse laudabilis; qui vult laudari, at si non est laudabilis non potest fieri ut laudetur, quia omni ex parte, & laude indignissimus. Vel enim de laude dignum judicas, vel non: si judicas, indignum laude, & tamen applaudis laudanti gaudes illum mentiri: si dignum te censes qui lauderis, jam desinis esse laudabilis, qui talem te judicas cum nihil sis, atque adeo contemptibilis. Est enim contemnendus quisquis de sui vel contemptu dolet, vel commendatione tumet, laus tua est filia, mendacii & mater opprobrii. Incipis esse improbus, dum cupis tua, & te supra meritum probari. Ama esse laudabilem, non laudari. Eris supra omnia laudabilia laudabilis, si hæc duo impensè desideres, laudem Dei, contemptum tui. Cur mavis bonus videri, quam esse, cum desinas omnino esse bonus hoc ipso quod optes vanè videri & falsè æstimari.

III. Quâ fronte quæro æstimari, quâ mente laudari, qui licet unico tantum momento, delicto minimo, Deum offendissem, æternum ab omnibus, quantum possent me contemnere, mereor contemni? Quam foret ille non tantum impudens, sed impius qui optaret illius laudem, qui Christum, cum

O

patere-

pateretur percussit alapa, vel illudit arundine, vel induit lusorio murice? Major mea quàm illorum impudentia, & malitia, & mendax fuero, si me illorum, qui Christum cruciârunt, prætulero. Quos fecerunt ignorantes, facio sciens & prudens, qui semel illi, sæpiùs ego. Quantum ergò mihi improbo est probum, si non me iudicem dignum ætati opprobrio? Esto, alii te ut bonum æstiment, & bonum lem existiment, an aliorum æstimatio te faciet inestimabilem? existimatio bonum? Non curatur inimus quod alii asserant non esse infirmum, iudicet sanum. Quid eligeres, esse sanum, licet ab aliis considereris æger, an esse ægrum, & ab aliis credi sanum? tua infirmitas est tuæ laudis cupiditas. Cur tibi applaudis te laudari ut bonum, cum sis non modò non bonus, sed malis peior, sed peiorum pessimus. Tantùm abest ut ægri se velint dici benè sanos, si non sinat, ut malè illos habeat, se ægros non haberi: immò solenne illis est morbi malum etiam hyperbolice exaggerare, & gaudeant id ab aliis fieri: sic sui contemptor uti est honoris osor gaudet se despici, aliorum in se opprobria sunt illi lætitiæ materia, aliorum de se laudes, æstimat fraudes: Non immerito illius moniti,

Plus laudatori, quàm tu tibi, credere noli.

20. DIES MARTII.

Famæ plerique magnæ, malunt quàm bonæ esse. *Livius l. 6.*